

Pelanggan yang Dihormati,

Helaian Penerangan Produk (PDS) ini direka untuk memberikan anda maklumat penting tentang takaful kemalangan diri anda.

Pelanggan lain telah membaca PDS ini dan mendapati ia membantu; **anda harus membacanya juga.**

Tarikh: 1 Januari 2026

1 Apakah itu Takaful myLindung PA?

Takaful myLindung PA ialah produk telepemasaran direka secara eksklusif untuk pelanggan-pelanggan RHB Islamic Bank Berhad [200501003283 (680329-V)] yang memberi pampasan sekiranya berlaku kecederaan, hilang upaya atau kematian yang disebabkan oleh kemalangan.

Konsep Syariah yang Diguna Pakai:

- **Hibah** merujuk kepada pemindahan hak milik atas satu aset dari penderma kepada penerima tanpa sebarang balasan. Manfaat yang dibayar dari Dana Takaful Am (DTA) adalah berdasarkan Hibah.
- **Ju'alah** merujuk kepada kontrak di mana satu pihak menawarkan ganjaran tertentu kepada pihak lain yang berjaya mencapai hasil yang telah ditetapkan. Peserta membenarkan Syarikat Takaful Malaysia Am Berhad (Takaful Malaysia) untuk menerima sebahagian daripada lebihan boleh agih daripada DTA sebagai insentif prestasi.
- **Qard** merujuk kepada kontrak pemberian pinjaman wang oleh pemberi pinjaman kepada peminjam di mana peminjam itu perlu membayar balik jumlah yang setara kepada pemberi pinjaman. Takaful Malaysia akan meminjamkan sejumlah wang kepada DTA tanpa faedah sekiranya DTA mengalami defisit.
- **Tabarru'** bermaksud derma untuk tujuan kebajikan. Peserta menderma sebahagian sumbangan kepada DTA untuk membantu peserta lain.
- **Wakalah** merujuk kepada kontrak di mana satu pihak, sebagai prinsipal memberi kuasa kepada satu pihak yang lain sebagai wakilnya untuk melaksanakan tugas tertentu dalam hal-hal yang boleh diwakilkan, dengan atau tanpa mengenakan upah. Peserta memberi kuasa kepada Takaful Malaysia untuk menguruskan DTA dan sebagai balasannya, Takaful Malaysia akan menerima yuran Wakalah.

2 Ketahui Perlindungan Anda

Sebagai ilustrasi, dengan bayaran sebanyak **RM45.29** sebulan (untuk Pelan 2), anda akan menerima **perlindungan** asas sijil takaful kemalangan diri seperti berikut:

Sijil asas ini **melindungi**:

Manfaat	Jumlah Perlindungan (RM)
Manfaat Kematian akibat COVID-19 (dalam Malaysia)	50,000
Manfaat Kematian akibat Kemalangan	50,000
Manfaat Berganda Hilang Upaya Kekal dan Menyeluruh akibat Kemalangan	100,000
Manfaat Tunai akibat COVID-19 (Tahap 3 hingga 5) (dalam Malaysia)	1,000
Pendapatan Hospital Harian akibat Kemalangan (sehari sehingga 30 hari bagi setiap kemalangan) (dalam Malaysia)	100
Bonus Pembaharuan jika Tiada Tuntutan	Penambahan 20% kepada Jumlah Perlindungan bagi Manfaat Kematian akibat Kemalangan bagi setiap Tahun Sijil, sehingga 100% (sehingga 5 Tahun Sijil)

Sijil ini **mengecualikan**:

- Sukan berbahaya seperti terjun udara, terjun terbing, dan lompatan *bungee*;
- Penyakit sedia ada;
- Sebarang akibat yang timbul daripada melakukan atau cuba melakukan sebarang perbuatan yang tidak sah atau jenayah;
- Risiko berkaitan nuklear dan/atau peperangan;
- Pekerjaan berbahaya seperti anggota tentera, polis, bomba, juruterbang, kru penerbangan/perkapalan, pekerja pembalakan, pelombong; dan/atau
- Bunuh diri/kecederaan sendiri.

Nota: Senarai ini **tidak menyeluruh**. Sila rujuk sijil untuk senarai penuh pengecualian yang terdapat di bawah sijil ini.

Dengan membayar sumbangan tambahan, anda boleh menambah perlindungan untuk memasukkan ahli keluarga anda.

- Hanya satu (1) pasangan yang sah akan dilindungi di bawah produk ini.
- Bagi anak, jumlah perlindungan bagi Kematian Akibat Kemalangan dan Keilatan Kekal Akibat Kemalangan adalah lima puluh peratus (50%) daripada jumlah perlindungan yang dinyatakan di atas.
- Maksima tiga (3) anak akan dilindungi di bawah pelan ini dan had umur bagi anak adalah daripada tiga puluh (30) hari sehingga lapan belas (18) tahun atau dua puluh tiga (23) tahun jika dia berada dalam institusi pengajian tinggi sepenuh masa dan tidak bekerja.

Nota: Senarai di atas **tidak menyeluruh**. Sila rujuk kepada sijil untuk senarai penuh terma dan syarat di bawah sijil ini.

Tempoh perlindungan adalah selama sebulan dan boleh diperbaharui sehingga umur anda tujuh puluh (70) tahun tertakluk pada sumbangan bulanan adalah diterima oleh Takaful Malaysia.

Jika anda mempunyai sebarang pertanyaan atau memerlukan bantuan berkaitan takaful kemalangan diri, anda boleh:



Hubungi kami di:
1300-82-0022



Layari kami di:

www.rhbgroup.com/islamic/takaful/mylindung-pa/index.html



E-mel kami di:

telemarketing@takaful-malaysia.com.my

3 Ketahui Tanggungjawab Anda

Untuk takaful kemalangan diri ini, anda perlu membayar sumbangan takaful sebanyak:	
Perlindungan Asas	RM45.29 sebulan
Perlindungan Tambahan	
• Pelan Keluarga	RM96.22 sebulan
Jumlah sumbangan takaful	RM141.51 sebulan
Anda juga perlu membayar yuran dan caj berikut:	
Yuran Wakalah (sebahagian daripada jumlah sumbangan takaful RM141.51)	60% daripada jumlah sumbangan takaful atau RM 84.91
Duti Setem	RM10.00 (dibayar oleh RHB Islamic Bank Berhad)
Caj lain yang dikenakan	8% Cukai Perkhidmatan atau RM11.32
Jumlah sumbangan takaful yang perlu anda bayar	RM152.83

4 Syarat Utama Lain

- Anda mesti memberikan maklumat yang lengkap dan tepat semasa membuat permohonan.
- Anda mesti mendedahkan semua fakta penting seperti pekerjaan dan aktiviti peribadi anda.
- Perlindungan anda akan berkuatkuasa setelah sijil dikeluarkan dan sumbangan telah dibayar.
- Anda mempunyai enam puluh (60) hari kalendar dari tarikh akhir sumbangan (termasuk tarikh tersebut) untuk membayar setiap sumbangan yang tertunggak. Sekiranya sumbangan tidak dibayar pada akhir tempoh tangguh, sijil anda akan luput dan orang yang dilindungi tidak akan mempunyai sebarang perlindungan, manfaat atau nilai takaful.
- Pembaharuan sijil sehingga berumur tujuh puluh (70) tahun dan sumbangan pembaharuan adalah tidak dijamin.
- Untuk anak, perlindungan akan ditamatkan apabila dia mencapai umur sembilan belas (19) tahun atau dua puluh empat (24) tahun jika dia berada di dalam institusi pengajian tinggi sepenuh masa dan tidak bekerja, pada mana-mana pembaharuan sepanjang tempoh takaful.
- Pemberitahuan bertulis mengenai sebarang kejadian yang berkemungkinan menimbulkan tuntutan perlu dikemukakan kepada kami secepat mungkin dan dalam apa jua keadaan tidak lewat daripada empat belas (14) hari kalendar selepas kemalangan yang menyebabkan kecederaan atau kerugian tersebut. Anda mungkin dikehendaki, atas kos kami, menjalani pemeriksaan perubatan lanjut.

Nota: Senarai di atas **tidak menyeluruh**. Sila rujuk kepada sijil untuk senarai penuh terma dan syarat di bawah sijil ini.

? Boleh saya membatalkan sijil saya?

- Boleh. Anda boleh membatalkan sijil dengan memberikan notis bertulis kepada Takaful Malaysia dalam tempoh penelitian percuma lima belas (15) hari kalendar dari tarikh penerimaan sijil. Dalam keadaan demikian, anda berhak untuk mendapat bayaran balik penuh sumbangan yang telah dibayar.
- Anda boleh membatalkan sijil selepas tempoh penelitian percuma pada bila-bila masa dengan memberikan notis bertulis kepada Takaful Malaysia. Tarikh pembatalan yang berkuat kuasa adalah pada tarikh sumbangan berikutnya yang perlu dijelaskan selepas Takaful Malaysia menerima notis tersebut. Sijil tidak layak untuk mendapatkan bayaran balik sumbangan selepas pembatalan dibuat.
- Tiada yuran pembatalan akan dikenakan.

Syarikat Takaful Malaysia Am Berhad [201701032316 (1246486-D)] adalah dilesenkan di bawah Akta Perkhidmatan Kewangan Islam 2013 dan diselia oleh Bank Negara Malaysia.

MANFAAT-MANFAAT YANG DIBAYAR DI BAWAH PRODUK YANG LAYAK ADALAH DILINDUNGI OLEH PERBADANAN INSURANS DEPOSIT MALAYSIA (PIDM) SEHINGGA HAD PERLINDUNGAN. SILA RUJUK BROSUR SISTEM PERLINDUNGAN MANFAAT TAKAFUL DAN INSURANS (TIPS) PIDM ATAU HUBUNGI TAKAFUL MALAYSIA ATAU PIDM (LAYARI WWW.PIDM.GOV.MY/MY).